

Embargo: Hanya boleh diterbitkan atau disebarikan mulai jam 1200, Selasa, 14 Mei 2024



KEMENTERIAN EKONOMI
JABATAN PERANGKAAAN MALAYSIA

KENYATAAN MEDIA BAGI LAPORAN PERANGKAAAN DEMOGRAFI MALAYSIA, SUKU TAHUN PERTAMA 2024

**PENDUDUK MALAYSIA MENCECAH 34.0 JUTA MERANGKUMI 30.6 JUTA
(90.0%) WARGANEGARA DAN 3.4 JUTA (10.0%) BUKAN WARGANEGARA**

PUTRAJAYA, 14 MEI 2024 - Jabatan Perangkaan Malaysia telah mengeluarkan laporan berkaitan Perangkaan Demografi yang memaparkan data penduduk, kelahiran hidup dan kematian bagi suku tahun pertama 2024.

Mengulas berkaitan laporan tersebut, Ketua Perangkawan Malaysia, Dato' Sri Dr. Mohd Uzir Mahidin menyatakan, "Penduduk Malaysia pada suku tahun pertama 2024 dianggarkan 34.0 juta, meningkat 2.3 peratus berbanding suku tahun pertama 2023 (33.2 juta). Ini disumbangkan oleh pertambahan semula jadi yang positif bagi Warganegara dan juga pertambahan penduduk Bukan Warganegara. Jumlah penduduk ini merangkumi 30.6 juta (90.0%) Warganegara dan 3.4 juta (10.0%) Bukan Warganegara. Penduduk lelaki meningkat kepada 17.8 juta daripada 17.4 juta pada suku tahun pertama 2023 dan perempuan meningkat kepada 16.1 juta daripada 15.8 juta bagi tempoh yang sama. Secara keseluruhan, nisbah jantina penduduk adalah 111 lelaki bagi setiap 100 perempuan, manakala nisbah jantina bagi penduduk Warganegara adalah 103 lelaki bagi setiap 100 perempuan".

Penduduk umur muda (0 - 14 tahun) dan umur bekerja (15 - 64 tahun) masing-masing meningkat daripada 7.5 juta dan 23.2 juta kepada 7.7 juta dan 23.8 juta pada suku tahun pertama 2024. Sementara itu, komposisi penduduk umur tua (65 tahun dan lebih) kekal tidak berubah pada 2.5 juta.

Beliau juga menyatakan, "Jumlah kelahiran hidup merekodkan penurunan sebanyak 9.4 peratus (106,386 kelahiran) berbanding 117,413 kelahiran pada suku tahun pertama 2023. Secara purata seorang bayi dilahirkan pada setiap minit, 49 bayi bagi setiap jam dan 1,182 bayi dilahirkan sehari pada suku tahun pertama 2024. Bayi lelaki melebihi bayi perempuan dengan 54,747 kelahiran berbanding 51,639 kelahiran. Selangor mencatatkan bilangan kelahiran hidup tertinggi iaitu 19,951 kelahiran (18.8%) manakala jumlah kelahiran hidup terendah dicatatkan oleh Wilayah Persekutuan Labuan (323 kelahiran: 0.3%). Ibu berumur 30 - 39 tahun merekodkan kelahiran hidup tertinggi iaitu 55,864 (52.5%) pada suku tahun ini, diikuti oleh ibu berumur 20 - 29 tahun (40.0%), 40 tahun dan lebih (6.0%) dan kurang daripada 20 tahun (1.5%)".

Melayu menyumbang 68.8 peratus (73,136 kelahiran hidup) daripada jumlah kelahiran hidup pada suku tahun pertama 2024 (ST1 2023: 67.6%). Kelahiran hidup bagi Cina dan India masing-masing menurun kepada 8.8 peratus dan 3.7 peratus berbanding 9.7 peratus dan 4.3 peratus pada suku tahun pertama 2023. Manakala, Bumiputera Lain merekodkan peningkatan kepada 12.7 peratus pada suku tahun pertama 2024 (ST1 2023: 12.6%).

Mengulas lanjut, sebanyak 47,964 kematian telah direkodkan pada suku tahun pertama 2024, penurunan sebanyak 1.5 peratus berbanding suku tahun pertama 2023 (48,693 kematian). Secara purata, satu kematian direkodkan pada setiap dua minit, manakala 22 kematian direkodkan setiap jam dan 533 kematian sehari pada suku tahun pertama 2024. Bilangan kematian bagi lelaki adalah 27,434 manakala 20,530 kematian bagi perempuan. Pada tempoh masa yang sama, Selangor merekodkan bilangan kematian tertinggi iaitu 7,730 kematian (16.1%) manakala Wilayah Persekutuan Putrajaya mencatatkan bilangan kematian terendah dengan 68 kematian (0.1%). Kumpulan umur 60 tahun dan lebih merekodkan bilangan tertinggi iaitu 34,067 kematian (71.0%), diikuti oleh umur 41 - 59 tahun (19.8%), umur 15 - 40 tahun (7.0%) dan umur 0 - 14 tahun (2.2%).

Pada suku tahun pertama 2024, Melayu menyumbang 51.4 peratus (24,667 kematian) daripada jumlah kematian (ST1 2023: 51.9%). Kematian bagi Cina meningkat kepada 27.0 peratus pada suku tahun pertama 2024 berbanding 26.1 peratus pada suku


tahun pertama 2023. Sementara itu, jumlah kematian bagi India kekal tidak berubah pada 8.5 peratus, manakala kematian bagi Bumiputera Lain menurun kepada 10.4 peratus pada suku tahun pertama 2024 (ST1 2023: 10.8%).

Jabatan Perangkaan Malaysia (DOSM) telah melancarkan OpenDOSM NextGen sebagai medium yang menyediakan katalog data dan visualisasi bagi memudahkan pengguna menganalisis pelbagai data dan boleh diakses melalui portal <https://open.dosm.gov.my>.

DOSM akan menjalankan Banci Pertanian pada tahun 2024. Mohon layari <https://www.myagricensus.gov.my/> untuk maklumat lanjut. Tema adalah “Banci Pertanian, Kunci Kemajuan Pertanian.”

Kerajaan Malaysia telah mengisytiharkan Hari Statistik Negara (MyStats Day) pada 20 Oktober setiap tahun. Tema sambutan MyStats Day adalah “Statistik Nadi Kehidupan”.

Carta 1: Kelahiran hidup dan kematian (bilangan dan kadar) mengikut suku tahun, 2010-2024^p, Malaysia




Jadual 1: Statistik Demografi bagi suku tahun pertama, 2023 dan 2024, Malaysia


Tahun	Jumlah		Lelaki		Perempuan	
	ST1 2023	ST1 2024	ST1 2023	ST1 2024	ST1 2023	ST1 2024
Penduduk (juta)	33.2	34.0	17.4	17.8	15.8	16.1
Kelahiran hidup	117,413	106,386	60,669	54,747	56,744	51,639
Kematian	48,693	47,964	27,834	27,434	20,859	20,530

Carta 2: Statistik Demografi suku tahun pertama mengikut Kumpulan Etnik, 2023 dan 2024, Malaysia

Penduduk Warganegara




Kelahiran Hidup



Nota: ¹ termasuk Bukan Warganegara

Kematian



Nota: ¹ termasuk Bukan Warganegara

Jadual 2: Penduduk Warganegara mengikut kumpulan etnik, suku tahun pertama 2023 dan 2024, Malaysia

Kumpulan etnik	ST1 2023 ^r (%)	ST1 2024 (%)
Jumlah Penduduk Warganegara	100.0	100.0
Bumiputera	70.1	70.1
Melayu	57.9	57.9
Bumiputera Sabah	4.3	4.3
Kadazan/ Dusun	49.8	49.8
Bajau	42.2	42.2
Murut	8.0	8.0
Bumiputera Sarawak	3.5	3.5
Iban	67.8	67.8
Bidayuh	19.4	19.4
Melanau	12.8	12.8
Bumiputera lain¹	4.4	4.4
Cina	22.6	22.6
India	6.6	6.6
Lain-lain	0.7	0.7

Nota: ¹ Merujuk kepada etnik Bumiputera selain daripada yang disenaraikan di atas.

^r Kemaskini

Jadual 3: Kelahiran hidup mengikut kumpulan etnik, suku tahun pertama
2023 dan 2024, Malaysia

Kumpulan etnik	ST1 2023 ^r (%)	ST1 2024 (%)
Jumlah Kelahiran Hidup	100.0	100.0
Warganegara	95.5	95.3
Bumiputera	80.2	81.5
Melayu	67.6	68.8
Bumiputera Sabah	5.3	6.3
Kadazan/ Dusun	49.2	40.0
Bajau	42.1	51.6
Murut	8.7	8.4
Bumiputera Sarawak	3.7	3.5
Iban	66.8	66.6
Bidayuh	19.8	19.7
Melanau	13.4	13.7
Bumiputera lain¹	3.6	2.9
Cina	9.7	8.8
India	4.3	3.7
Lain-lain	1.3	1.3
Bukan warganegara	4.5	4.7

Nota: ¹ Merujuk kepada etnik Bumiputera selain daripada yang disenaraikan di atas.

^r Kemaskini


Jadual 4: Kematian mengikut kumpulan etnik, suku tahun pertama
2023 dan 2024, Malaysia

Kumpulan etnik	ST1 2023 ^r (%)	ST1 2024 (%)
Jumlah Kematian	100.0	100.0
Warganegara	98.3	98.3
Bumiputera	62.7	61.8
Melayu	51.9	51.4
Bumiputera Sabah	4.0	3.8
Kadazan/ Dusun	56.2	53.5
Bajau	34.2	39.0
Murut	9.6	7.5
Bumiputera Sarawak	3.9	3.9
Iban	68.3	70.3
Bidayuh	18.4	18.1
Melanau	13.3	11.6
Bumiputera Lain¹	2.9	2.7
Cina	26.1	27.0
India	8.5	8.5
Lain-lain	1.0	1.0
Bukan warganegara	1.7	1.7

Nota: ¹ Merujuk kepada etnik Bumiputera selain daripada yang disenaraikan di atas

^r Kemaskini

Carta 3: Transisi Demografi Malaysia, 1911-2022



Dikeluarkan oleh:

PEJABAT KETUA PERANGKAWAN
JABATAN PERANGKAWAN MALAYSIA
14 MEI 2024